

臺灣方志集成

清代篇——第一輯

高賢治主編

福建通志臺灣府中

K295-8
2012/18
73

臺灣方志集成

高賢治主編

清代篇——第一輯 (23)

福建通志臺灣府 (中冊)



宗青圖書出版有限公司 印行

福建通志臺灣府

(中冊)

福建門在己卯省大口之北。南臨海，爲一、二、三級之階，其旁有石壁，高丈餘，洞口入焉，深僅數尺，行數步至平地，則是名方。山之南面，峰峻拔，氣勁茂，有東南聖子碑記。聖子始祖，稱前為聖祖。即崇武城，度海而來，上岸曰平海，下稱海尾，一作海墘，一名海墘頭，一名海墘尾，一名海墘口。

廣
雅

卷
之
一

三
言
之
一

之
一
之
一

之
一
之
一

之
一
之
一

之
一
之
一

之
一
之
一

之
一
之
一

關 隘

臺灣府屹峙大海中，爲江、浙、閩、粵之外障，諸島往來之要會。其山皆崇岡峻嶺，鬱盤磅礴數千里。南自木岡抵沙馬磯四百餘里，爲鳳山；北自木岡至玉案西北三十里，爲嘉義；繇玉案北至大武，郡西北四十里，爲彰化；繇大武北至雞籠鼻頭，距府六百三十里，其西南三百五十里爲淡水廳；繇雞籠大山之後，一望平疇，爲噶瑪蘭廳。山海交錯，番漢雜處，緝治殊難，立界以限之，設隘以守之，防維誠無容少疏。

臺灣縣（東倚層巒，西迫巨浸。木岡山高聳特拔，羅漢門局勢宏敞，鹿耳、鯤身爲全臺之門戶，虎頭、雁嶺在重山之突阻）

羅漢門在邑東南六十五里，爲臺灣、鳳山、嘉義三縣之總路。其地四壁皆山。自猴洞口入山，崇岡複嶺，行數里爲虎頭山，諸峯環列。過大灣崎、蘆竹坑、咬狗坑，又東南經土樓山，壁平如削。稍前爲疊浪崎。出茅草埔，度雁門關嶺，去關口里餘，中爲深塹，可數十丈，緣崖路狹，不堪旋馬。五里至石頭坑，四里至長潭。自番子寮迤邐至小烏山後，入羅漢內門，峯廻路轉，眼界頓開，沃衍平疇，極目數千里。東則南仔仙山、

東方木山，西則小烏山，南爲銀錠山，北爲分水山，自貓瀕山，層巒疊巒。民莊分中、內、外三埔。猴洞口、狗勾崑諸地屬內埔。由長潭至夏尾藍、脚帛寮轉北抵外埔莊後，以奸匪出沒之所，禁止往來。外埔東南，由觀音亭、更寮崙、番子路頭至大崎，越嶺卽外門，去大傑巔社十二里，有民居，爲施里莊、北勢莊，莊盡番地。自社尾莊割蘭坡嶺，可赴南路。由木岡社、卓猴可赴北路。外此羊腸鳥路，觸處皆通，峻嶺深谷，叢奸最易。土人運灰、輦稻，牛車往來，徑路逼仄，不容並軌，約畫則自內而外，夜則自外而內，因以無阻。

六張犁隘在羅漢門外，四面環山，爲鳳、嘉交界，逼近內優生番，最扼要地。乾隆三十一年，知縣趙愛議詳：向來羅漢內門牛稠崙、更寮崙及外門土地祠崎頂並六張犁山腳，共設望樓四處，今於牛稠崙、更寮崙適中之石門坑添建火磚望樓一座，又將六張犁、土地祠原築望樓二座改築火磚，仍派大傑巔社番丁帶眷種地，駐守巡防。

埔姜溪旁隘在北洋加腦埔下。乾隆四十二年，知府蔣元樞、理番同知鄖維肅設隘寮，着武洛莊通事撥壯番帶眷居住堵禦。又於溪上另建隘寮，着山毛孩通事派番丁協同巡防，保護大澤機等社。又於北坪下蔗園後荒埔設隘寮，保護大路關等莊。

大南坪下雙溪口隘，設隘寮保護犁頭鏗等莊，着阿猴社通事派番往防，仍於小北坪下蔗園後頂添建隘寮，着山豬毛社通事派番丁協防。

思覓安莊後隘在濁口溪，爲山毛孩社生番出沒之所，設隘寮，着搭樓社撥壯番駐守。賽仔腳隘在搭樓社。

羅漢門巡檢，嘉慶間，移駐番薯寮，詳見職官。

鳳山縣（址因舊鎮，僻處海邊，磯聳沙馬之奇，林極阿猴之險，傀儡高峯近接天際，琉球孤嶼遠映海中）

大路關轄阿猴社，爲山豬毛生番出沒之所，乾隆四十二年設防守。

棹口溪隘卽濁口之思覓安一處，爲山毛孩生番出沒。乾隆四十二年，知府蔣元樞建隘防守。

加臘埔隘（轄武洛社）、雙溪口隘、杜君英隘（轄上淡社）、新東老埠隘（轄下淡社），四隘俱乾隆間建，以防生番出沒。

萬巾莊隘（轄力力社）、吧陽毛獅獅隘（轄茄藤社）、糞箕湖隘，三隘俱爲加泵生番出沒之所，乾隆間設防守。

坊寮浦姜林隘，轄放縗社，爲大龜紋生番出沒之所，乾隆間設隘防守。

上淡水社在縣南赤山。南至上淡水社八十里，又二十里至下淡水社，又十五里至力力社，又十五里至茄藤社，又六十里至放縗社，又八十里至茄洛堂，又百二十里至琅嶠

，內皆深山大林，土番或攀蘿捫葛而出，不通人行。下淡水巡檢在縣東南，詳見職官。

嘉義縣（南抵虎尾，北至新港，武巒峙其後，武壠衛其前，逕道蜿蜒，誠全臺之鎖鑰，上流之要地）

斗六門在縣北牛相觸、虎溪尾之南，距縣治六十里。北至半線九十里，扼南北投、水沙連諸番出入路。舊設營於西螺，康熙三十年，總兵王化行移此，屬北路協左營分防。

白沙墩在縣北，爲各處莊社往笨港必由之路，村落篤遠，多匪徒出沒。秀才莊爲笨港船隻出入必經之地。

南社距斗六門六十里，西出海豐港，西北通三林，南出自白沙隄，東南出西螺，爲近海總路。

二林離南社十里許，西出鹿港。三林港口，北爲大突、馬芝遴諸番出半線要路。下加冬距縣三十里。南至茅港尾，道里各半。西出外九莊，東聯哆囉嘸。地方遼闊，爲適中之地。屬北路營輪防。

哆囉嘸在縣治。由東路往郡，至此三十里。南至目加溜灣二十五里。漢番雜處之地。

烏山頭，由哆囉峒南至此十五里，爲赤山各莊出目加溜灣、茅港尾、雙汊路口。
目加溜灣南至郡三十餘里，西出茅港尾、佳里興，東出加拔仔、打鐵店，民居輳集
，番社錯雜，爲適中之地。

灣裏溪墘汛，在溪南茅港尾往郡大路，南至木柵仔，又南出洋仔港。溪口汛，東出
打鐵店往郡小路。俱設兵巡守。

佳里興南至郡三十五里，西出大線頭有港，外包砂線，可停泊戰船。鄭氏舊築礮臺
於此。東北出麻豆、水堀頭，爲漢番雜處地，俱設弁兵輪防。

茅尾港南至郡六十里，民居輳集，船隻往來，爲沿海各莊要路。

拔仔林在赤山拔仔林渡之南，爲赤山各莊總路。南出目加溜灣，西有小路通茅港
尾。

斗六門巡檢，乾隆二十六年改臺灣新港巡檢設，五十三年移植於大武壠。大武壠巡
檢，佳里興巡檢，俱詳職官。

彰化縣（山有火燄、姑婆之奇，溪有虎尾、大甲之險。近防三林、鹿子，遠控
淡水、雞籠。因海山之僻壤，亦宇宙之奧區）

半線北距大肚溪二十里，南抵東螺溪六十里。自府治至淡水八里坌，此爲居中扼要

地。貓霧拺、岸裏山、南北投、水沙連諸番，上下往來必經之路。鄭氏竊據時，各社半屬生番，僞將劉國軒立營於此開闢，後以次內附。今之營柵，即國軒故營址，現屬北路營分防。

大肚塘在大肚溪北。溪面廣濶，水底俱石，險急不可渡。夏秋水漲，必俟水勢稍平，用土番引路，然後可過。西爲草港，北爲水裏港。牛罵塘東近岸裏、樸仔籬諸番社。樸仔籬迫近內山生番。

貓霧拺巡檢在縣北，鹿仔港巡檢在縣北，大甲溪巡檢在縣北，俱詳職官。

淡水廳（山高崖峭，徑荒林鬱，瘴氣蔽空，綠水潔洞。港門從北而入，西南而出，兩山對峙。南有八里坌、南嵌、龜崙之環繞，北有大屯、圭柔、金包裏之護衛，中央關渡門，形如獅象以守。及其分流開派，則南通興直、海山，北通八仙埔。芳舍翁、八芝蘭、林大隆、同奇、武卒、劍潭、嗒嗒、攸禮族、貓裏、錫口、興雅、撫徠、峯峙諸社環其間。踰峯嶺抵獅塚，起巽，則三貂、噶瑪蘭平蕪百餘里。北則斷嶼、雞籠係焉。藍鼎元東征集云：竹塹埔寬長百里，行竟日無人烟，野番出沒，行者視爲畏途。然郡城上下必經之地，不能舍竹塹而他之，其地平坦，極膏腴，野水縱橫，處處病涉。俗所謂九十九溪者，以爲溝澗，

開田疇，可得良田數千頃，歲增民穀數十萬。臺北民生之大利，又無以加於此。然必基置村落，設營汛，奠民居，而後可及農畝）

大甲塘在大甲溪之北，溪面濶於大肚，底多大青石，流急苔滑，北路諸溪極險之地也。吞霄塘在吞霄社口，康熙三十八年，卓个卓霧於此滋事，今設目兵防守。

八里坌巡檢、新莊巡檢、竹塹巡檢，俱淡水廳屬，詳見職官。

噶瑪蘭廳（廳治三面負山，東臨大海。三貂、金面掖其左，擺芝、蘇澳、草嶺

掩其右，員山、玉山枕其後。自山至海，寬不及四十里。自三貂溪南至烏石港三十餘里，皆山石無地。自烏石港至蘇澳，山下綿亘不及百里，一望平疇，實天生沃壤，然遠距淡城三百里，林深箐密，漢番雜處，最易滋奸。惟員山東北地處適中，頭圍爲水陸扼要，自設官後，乃沿山設隘，以壯丁守之）

遠望坑隘（自三貂入蘭首境，民壯察在焉，始用以開道，繼以護送行人）、大里簡隘（在遠望坑南）、梗防隘、烏石港隘、金面山隘、白石隘、湯圓隘、柴圓隘、三園隘、四園一結隘、二結隘、三結隘、旱溪隘（又名枕頭山）、大湖隘、叭哩沙喃隘、鹿埔隘、清水溝隘、員山莊隘、馬賽隘、蘇澳施八坑隘，凡二十所，皆設隘丁，分給田園以爲

口糧防守。按噶瑪蘭之入籍也，知府楊廷理創議十八事，嘉慶十三年，總督方維甸奏之，總督汪志伊、巡撫張師誠續有奏列，舉行未竣。道光三年，總督趙慎畛以福州府知府方傳祿署臺灣府，以候補鹽運副呂志恒借補噶瑪蘭通判，往竣其事。又按臺灣南路自大岡山以下至下淡水瑤壠社，北路自木岡以上，至上淡水雞籠城，其間如鳳山、傀儡山、諸羅山、半線山皆扼野番之衝，爲陸汛所必防；如下淡水、琉璜溪、大線頭、鹿仔港，皆當入海之道，爲水汛所必守。

羅東巡檢，詳見職官。

——以上錄自重纂福建通志卷八十五

海防

沿海自廣東潮州府澄海縣東北入漳州府詔安縣境（海在城東南一里，海防考：縣咫尺卽海，控引潮、粵，而懸鐘之勝澳爲縣門戶，與懸鐘對峙者曰南澳），東北經漳浦縣（海在縣東百里，井尾、虎頭等澳爲防禦要衝），又北經府東南，而海澄爲漳州之門戶（縣東北至西南皆濱海，北與龍溪接境，由海門東出，水程二日卽澎湖島），又東北至泉州府同安縣界（三面距海，南去城八十里，而金門、廈門尤爲險要，圍頭爲縣門戶，其澳若烈嶼、廈門港、塔頭澳，其最著者），經南安縣（三面距山，惟東南一隅切附海口，去城七十五里），晉江縣（東南至海百里），惠安縣（西北跨山，東南際海，兩岸至海皆四十里，崇武、獺窟、小岞、黃崎、峯尾爲邑屏障，北自樂嶼、南屬岱嶼並海壠，凡百餘里），又東北接興化府莆田縣界（東南二境皆濱海，去城八十里，吉蓼、平海、三江爲最衝，文甲、炭頭、青山爲次衝），又東北抵福州府福清縣境（縣東近境之海謂之九海，以港嶼曲折也，其外爲大海，海壠、雙嶼爲汛守要地），又北經長樂縣（北境及東北、東南皆濱海，廳石、梅花與連江、定海相對，爲省城右臂），又北經府東閩鎮（五虎門爲省城門戶），又北經連江縣（東境、東南境皆濱海，官塘、荻蘆嶼、黃崎堡、鶴嶼與潮汐相吐納，定海、小埕爲戍守要地），又北經羅源縣東南（灘灣淺僻，不

利登涉，故防禦爲略），又東接福寧府西南寧德縣境（東南海口卽霞浦之東衝，爲羅、寧、霞三縣界，距府城百餘里），環府境自西而南迤東（三面距海，南爲大金，東爲松山，距城十里，東北爲三沙，爲郡門戶，閩峽、下游與連江之定海相爲聯絡），又東北抵福鼎縣（沙埕稱首衝，秦嶼次之），又東北接浙江溫州府平陽縣界。

按郡國利病書：沿海自廣東樂會接安南界，五千里抵福建南澳山，爲元鍾所界（漳州府詔安縣），歷侍郎州、石城嶼爲銅山所界（原漳浦縣，今詔安縣），歷鴻儒嶼、沙汭嶼爲陸鼈所界（漳浦縣），大澈嶼、璧洲山爲鎮海衛界（原漳浦縣，今海澄縣），小澈嶼爲月港界（海澄縣），舊浯嶼爲高浦所界（泉州府同安縣），嘉禾山、大擔山爲中左所界（今同安縣廈門），小擔、虎頭山爲金門所界（今金門鎮），大嶝山、小嶝山爲福全所界（泉州府晉江縣），大捕山、小捕山爲永寧衛所界（晉江縣），埕塹峯、獺窟峯爲崇武所界（泉州府惠安縣），沙塘灣爲惠安縣界，嶼嶼、白嶼爲峯尾巡司界（惠安縣），湄洲山爲南泉寨、莆田所界（興化府莆田縣），石獅峯、小澳峯爲平海衛界（莆田縣），埕口、三江口爲沖沁巡司界（莆田縣），網山、王家嶼爲萬安所界（福州府福清縣），六湖山、碧水島爲鎮東衛界（福清縣），鐘山爲蕉山巡司界（福州府長樂縣），日嶼、月嶼爲梅花所界（長樂縣），卽會城三波礁、五虎澳爲連江界，下竿塘、四澳爲定海所界（福州府連江縣），花瓶爲北茭巡司界（連江縣），飛鷺渡爲寧德縣界，青山峯爲大金所界（福寧府霞浦縣），丁家埕、大嵙山、七星山、流江爲福寧州界（今屬福寧州福鼎縣界），計二千里抵浙江。

臺灣府：環府境皆海。舊志：舟人渡洋，不辨里程，一日夜以十更爲率，自雞籠、淡水舟行福州港口五更，自臺灣至澎湖四更，自澎湖至泉州、金門七更。臺海見聞錄：後壠港與興化府南日對峙；後壠而上百二十里至竹塹，與福清海壇對峙；竹塹而上百五十里爲南嵌，與福州閩安鎮對峙；自南嵌至上淡水七十里，與連江北茭相望；自淡水港至雞籠山三百里，與福寧沙埕、烽火門相望。海國見聞錄：北自雞籠山對峙福州之白犬洋，南自沙馬磯對峙漳州之銅山。

各縣衝要

福州府閩縣

閩安鎮距省城八十里。鎮有兩口：一東出雙龜門外，繞壺江、五虎；一南出琅崎門外，繞廳石、梅花；爲江海之鎖鑰、會城之門戶。明洪武二年置巡司，嘉靖間數被侵犯。國初，海寇鄭成功竊據於此。順治十五年，築城置戰船。西有崇新寨，東有登高寨，南北岸設礮臺；北有象洋寨，設烟墩瞭望，與連江界；南與長樂浮岐界，舊有鎮，康熙二十七年改設協副將駐防。與鎮對峙者爲石龍臺寨，設烟墩瞭望。在鎮內江中者爲員山水寨。與員山對峙者爲洋嶼，雍正六年設旗營水師旗員駐防。員山上爲羅星塔汛，亦省會要衝，置礮臺，四面環水，有壩流嶼、雞籠嶼、南龜、北龜、大爐、小爐、壺江等嶼。

(閩安鎮由南港水洋一百二十里至貓嶼，由北港三十里至金牌，又三十里至五虎門。道光二十一年七月間，咾咕咧犯廈門，制軍以虎門爲入省咽喉，欲填塞長門內港以遏其入犯，特命鹽法道尋步月、督糧道常大淳親往，以繩度淺深濶狹之實。計自進嶼南岸至熨斗北岸，濶四百三十七丈；南龜南岸至北龜北岸，濶二百七十四丈；金牌南岸至長門北岸，濶三百七十五丈。長門爲內港，深九十三丈；南、北龜爲中港，深一百六十五丈；熨斗、五虎門爲外港，波湧如山，深不可測)。

琅崎門在鎮南海面，與廳石對峙。江面雖濶，中有積沙，大船難汐行。邊澳有港，船舶從此而入。舊於山麓置金牌寨，築礮臺，山上設烟墩瞭望。道光六年，奏移閩安右營都司駐此。

五虎門在治東大海中，衝險海汛（明初湯和由海道取福州由此入。洪武二年置官母嶼巡檢司於此，國朝因之）。南界長樂梅花汛，北界連江定海汛。洋中有進嶼、芭蕉、虎樹、熨斗等嶼。其熨斗、館頭、媽祖廟諸澳可泊舟（五虎門東向水洋四十里至南、北竿塘，南向水洋一百八十里至白犬、東沙，二百四十里至貓嶼，北向水洋七十里至定海，一百三十里至黃岐。道光二十一年七月，咾咕咧犯廈門登岸，夷船頻至五虎門窺伺，福州戒嚴。二十二年議通市，安插南臺，而夷船往往停泊內洋各口矣）。

南竿塘，衝要海汎，在五虎東大海中，與連江北竿塘對峙，設烟墩瞭望。

內江附

(內江水面，上至九使廟對江七娘宮界壁頭汛，下界員山水寨汛，西至

營前界青嵐嶺汛，又西至太尉廟對江北礮臺界烏龍江汛)

員山水寨，江面三十里，上界羅星塔汛，下至金剛腿與閩安鎮界，有城，屬督標水師分防。

羅星塔在馬江中，砥障奔流，當省會要衝，設礮臺，有城，屬督標水師分防。

石龍臺寨四面環山，與閩安對峙，山下大江，船舶出入，爲省會咽喉，設烟墩；水汛屬閩安，陸汛屬長福營。

洋嶼臨江要汛，設烟墩，界三江口。對江有員山水寨，並金剛腿舊屬督標水師，沿邊老岸屬長福營。雍正六年，移設旗營水師駐防。

長樂縣

廳石、籌港、澤里、厚福四汛，俱臨海要衝，各設烟墩瞭望，外與梅花犄角，內與琅琦相對。水汛屬閩安營，沿邊陸汛屬長福營。

梅花寨據險要衝，設烟墩瞭望。明洪武間築城，三面跨海，南連沙岡，延袤三里。嘉靖三十八年，倭賊犯境，復營葺焉。東卽南茭，有三磈。南茭澳內沙淺最險阨，舟人憚之，多泊磁澳候潮。南界海壇磁澳汛、貓嶼，北界閩安五虎汛。沿邊老岸屬長福營。